

بالضربة القاضية | #خطبة_جمعة | د. حازم شومان

حازم شومان

ان الحمد لله ان الحمد لله نحمده ونستعين به ونستغديه ونستغفره ونعوذ بالله من شرور انفسنا ومن سيئات اعمالنا اعمالنا انه من يهده الله فلا مضل له. ومن يضل فلن تجد له هاديا مرشدا. يا ايها الذين امنوا اتقوا الله - [00:00:00](#)

حق تقاته ولا تموتن الا وانتم مسلمون. يا ايها الناس اتقوا ربكم الذي خلقكم من نفس واحدة وخلق منها زوجها وبث منهما رجالا كثيرا ونساء. واتقوا الله الذي تساء به والارحام. ان الله كان عليكم رقيبا. يا ايها الذين امنوا اتقوا الله. اتقوا الله وقولوا - [00:00:23](#)

قولوا قولا سديدا يصلح لكم اعمالكم. ويغفر لكم ذنوبكم. ومن يطع الله ورسوله فقد فاز فوزا عظيما. اللهم صل على الحبيب محمد. اللهم صل على محمد. اللهم صل على نبينا محمد. وعلى اله - [00:00:53](#)

به اللهم صل على الحبيب محمد وعلى ازواجه امهات المؤمنين. وعلى ذريتي وال بيته انك حميد مجيد. اللهم لك الحمد كله ولك الملك كله وبيدك الخير كله. واليك يرجع الامر كله. الحمد لله حمدا كثيرا طيبا مباركا فيه - [00:01:13](#)

غير مكفي ولا مكفور ولا مودع ولا مستغن عنه ربنا. اللهم اطعمت وسقيت واغنيت واغنيت وهديت لو اجتبيت فلك الحمد على ما اعطيت. الله اكبر كبيرا. والحمد لله كثيرا. وسبحان الله بكرة واصيلا - [00:01:33](#)

قليل الحمد لله عدد ما خلق. الحمد لله ملاء ما خلق. الحمد لله عدد ما في السماوات وما في الارض. الحمد لله عدد ما احصى كتابه والحمد لله على ما احصى كتابه والحمد لله عدد كل شيء والحمد لله ملاء كل شيء - [00:01:53](#)

وسبحان الله مثل ذلك. اللهم صل على الحبيب محمد. صلاة ترضى بها عنا. اللهم صل على الحبيب محمد صلاة تنفجر بها العقد وتفرج بها الكربات. اللهم صل على الحبيب محمد صلاة تشفي بها امراضنا. وتشرح بها - [00:02:13](#)

صدورنا وتصلح بها بالنا. وتهدي بها قلوبنا وتزكي بها نفوسنا. وتنور بها بصائرنا. وتقوي بها في رضاك عزمنا. اللهم صل على الحبيب محمد. صلاة تسكننا بها في جواره في الفردوس الاعلى. وصلاة تمتعنا - [00:02:33](#)

برحمتك بها بالنظر الى وجهك الكريم. اللهم صل على الحبيب محمد وعلى اله وصحبه وسلم تسليما كثيرا. اخواني احبابي في الله يعني احيانا يبقي فيه بطل من ابطال الملائكة رايح في مسابقة مسلا مين بطل العالم؟ مين بطل القارة - [00:02:53](#)

رايح عشان يصارع في الملائكة بطل تاني. فالدنيا كلها متوقعة دايم الماتشات دي يجيبوها بالليل متأخر. ليه؟ لان هو ده ماتش اكشن بقى بص انت هتسهر طول الليل وهتبقى عشرين جولة ثلاثين جولة اربعين جولة لحد منهم يقدر ان هو اي واحد من اللاتين يقدر - [00:03:13](#)

وهو يوقع الثاني وينتصر عليه. احيانا بتحصل صدمة مروعة. بتفاجئ الجمهور كله. الناس بتبقى مسئولة على الشاشة واللي حاضرين في حلبة الملائكة او المصارعة بببقوا مذهولين اكثر واكثر يحصل ايه؟ ان في الجولة الاولى وبعد دقيقة او - [00:03:33](#)

ونص وياما الموضوع ده حصل يقوم واحد منهم لاقط نقطة ضعف في الثاني. ويوجه له ضربة قاضية رهيبية. الثاني يقعد يترنح شوية وبعد كده ينهار في الحلبة. والحكم يعلن ان واحد من اللاتين انتصر على الثاني من الجولة الاولى - [00:03:53](#)

بالضربة القاضية. منزر بيزهل الناس. وبينزل وبيزهل اللي في في المتفرجين واللي عبر الشاشات. ازاى؟ واحد قدر في بطولة بالحجم الرهيب ده. قدام مصارع شديد كده انه يجيبه بالضربة القاضية من الجولة الاولى. سورة النازعات - [00:04:13](#)

سورة النازعات بتعلمك زي كل سور القرآن. ما كل سورة من سور القرآن بتعلمك حاجة عظيمة في حياتك. دي السورة دي سورة يوسف بتعلمك ازاى لما الشهوة تتمكن منك ولما تبقى تنهار مقاومتك قدام شهوتك تعمل ايه صورة العنكبوت - [00:04:33](#)

بتعلمك لما تيجي تقبل على الله وتلتزم وتدين. وتفاجأ ان في البيت واقفين لك. وبرة البيت بيسخروا منك. والاعلام بيتريق عليك ازاى تسبت؟ سورة الاعراف بتعلمك بعد ما تبقى شيخ وتبقى طالب علم وتبقى ايمان من الائمة انك انت خد بالك انت ممكن -

[00:04:53](#)

مهما وصلت في الدين تنتكس. اول قصة في سورة الاعراف. قصة واحد بعد سبعين الف سنة عبادة. بعد ما خد لقب الملائكة من كتر العبادة ابليس ينتكس. كل سورة من سور القرآن بتنور لك حته مهمة في حياتك. مش هتنجو في مصيرك من غير - [00:05:13](#)
عشان كده انت محتاج تصاحب القرآن قوي. محتاج تخيل كده. لو انا طلعت الموبايل بتاعي وقلت لك ده انا لي مية واربعناشر صاحب على الموبايل. فانت قلت لي طيب عرفني باصحابك. اه محمد احمد ابراهيم جميل. اقول لك ياه ده حدوته يا مولانا -

[00:05:33](#)

محمد احمد ابراهيم ده شاب لطيف جدا كان معي في الكلية وكان له مواقف جميلة اوي. على فكرة محمد احمد ابراهيم ده اتجوز الوقتي ومخلف عيلين زي العسل ومنهم واد دخل ابتدائي كمان في مدرسة كزا. محمد ده بقى يا سيدي بعد ما اتخرج. اتخصص في مسلا امراض النساء والولادة. وفاتح عيادة في كزا. انا - [00:05:53](#)

عن واحد بس ساعة. هتقول لي طب والتاني ساعة والتالت ساعة مش هم اصحابي؟ هاكلملك على المية واربعناشر ساعة. انت مصاحب القرآن؟ اما صاحبك القرآن تقدر تتكلم عن المية واربعناشر سورة زي ما بتتكلم على اصحابك انت لو مصاحب القرآن بحق وحقيقي لما اقول لك سورة البقرة تقول لي - [00:06:13](#)

استنى بقى يا مولانا سورة البقرة دي سورة اعداد خليفة الله في الارض. سورة اني جاعل في الارض خليفة. السورة اللي بتقول لك عشان الامة تقوم بالخلافة وعشان انت تحقق رسالة الاستخلاف. انت المفروض تبقى ايه؟ عشان كده جابت لك الخليفة الاول ادم اللي عصى - [00:06:33](#)

سم اجتباه ربه فتاب عليه وهب. وبعد كده جابت لك الخلفاء بني اسرائيل اللي بوزوا الدنيا وخدوا صفر في المية استبدلوا وبعد كده جابت لك الخليفة الراشد ابراهيم الخليل اللي جاب مية اتنين ونص في المية في الاستخلاف. واذ ابتلى ابراهيم ربه بكلمات -

[00:06:53](#)

فاتمهون فجابت لك ثلاث خلفاء. خليفة عصى سم احسن وخليفة اساء تمام الاساءة وخليفة احسن تمام الاحسان. وبعد كده جزء كامل تكاليف في المواريس في المعاملات المالية في الطلاق في الجواز في الحاجات الاسرية في احكام العبادات في الصيام في -

[00:07:13](#)

الصلاة كأن المعنى يا امة محمد انت شفت كل الخلفاء اللي فاتوا وشففتوا النماز بتاعتهم هتبقوا مين؟ هتطبقوا الدين بنموزج مين؟ هتسينوا سم تحسنوا ولا هتسينوا تمام الاساءة؟ ولا هتحسنوا تمام الاحسان؟ صاحبتى انا مصاحب سورة البقرة انا ممكن اقعد -

[00:07:33](#)

اكلملك ساعتين عنها من غير ما ما اقول لك طب استنى بس اديني بس مهلة ساعة اما اراجع بيانات صاحبي دي على الكمبيوتر واما اتصل باصحابي اسألهم يا عم انا اقدر اتكلم عن صاحبي من قلبي ساعة واتنين وتلاتة. واحكي مواقف طول اليوم عن كل من

اصحابي. صاحبي ده. انا كنت في زنقة - [00:07:53](#)

وكنت خلاص وكنت مشيك على نفسي وماضي على نفسي شيكات. وانا رايع وانا هتسجن. صاحبي ده اول ما عرفت ادخل واستلف مبلغ عربيته وقف جنبي وانا ما اتسجنتش بسبب صاحبي ده هو. صاحبي الثاني بقى انا كنت مرة مخنوق ومكتئب لقيته مقابلني في

الشارع. اول ما شاف - [00:08:13](#)

على وشي قعد يقول لي كلام انا ما كنتش اعرف انه بيعرف يقول الكلام الحلو ده. فبقيت الوقتي كل ما اتضايق اجري عليه ابقى مبسوط بعد ما اقعد معه شوية. صاحبي ده بقى عاقل - [00:08:33](#)

لما باجي اخذ اختيارات لما بيبقى معروض علي عروستين اتجوز دي ولا دي. شغلانيتين اشتغل دي ولا دي. آآ اودي ولادي المدرسة دي

ولا دي ؟ صاحبي ده بقى عاقل - 00:08:47

بيعرف يحسبها حلو. لما بيبقى قدام اختيار مهم اوي اوي بروح اقعد معه. بيستف لي دماغي. ويبعرفني ازاى اختار صح المفروض دي العلاقة بالقرآن يا اخوانا. السورة اللي انت لما بتبقى حزين ومهموم بتجري عليها. عشان تفرح. الصورة اللي لما بتبقى محتار وتايه بتجرى - 00:08:57

عليها عشان النور يرجع تاني. الصورة اللي لما تبقى عايز تاخذ اختيار مصيري في حياتك بتجري عليها عشان تعرف. قواعد الاختيار السليم علاقتنا بالقرآن علاقة سطحية. علاقتنا بالقرآن علاقة حزلية كما قال الله عز وجل. انه لقول اللي هو القرآن فاصل - 00:09:17 المفروض القرآن ده يخليك انسان فاصل في حياتك. المفروض انت بعد القرآن غير قبل القرآن. وما هو بالهزل؟ وما هو بالهزل؟ فيه ناس بتتعامل مع القرآن تعامل هزلي. تعامل هزلي هو بيقرا كده وخلاص. هو مش عارف هو بيقرا ايه. ولما يقرأ عشرين صفحة تقول له انت قرئت ايه؟ والله ما انا فاكرو. ولا انا فاهم. ولا انا عارف - 00:09:37

بس انا حاسس ان انا آآ عمران كده من جوة. منور كده من جوة. يا عم ده انت لما بتقرا جورنال واقول لك انت قرئت ايه؟ بتعرف تقول لي ده الاهلي كسب الزمالك - 00:09:57

ولا الزمالك كسب مش عارف ايه بتعرف تتكلم انت مش عارف تقرا القرآن حتى قراية الجرايد هتدخل شهر الصوم بايه ده رمضان لسة عليه ثلاث اسابيع. ده ما عدش غير ثلاث جمع على اكثر شهر فاصل في حياتك. تقدر انك تتصالح على ربنا فيه. وتقدر انك تقرب - 00:10:07

ربنا فيه. رمضان ده نص اللي هيدخله الجنة والفردوس الاعلى بسبب رمضان. رمضان ده فرصة عمرك. رمضان ده شهر ما انتاش عارف هتلقه تاني ولا لأ رمضان الجاي ده ما يبقاش ليه هو رمضان حياتك؟ هو انت محتاج عشرين رمضان عشان تتغيرا هو انت محتاج قد ايه؟ ليه؟ ما تجيبش - 00:10:27

في الدنيا بالضربة القاضية من الجولة الاولى. ليه؟ نرجع تاني لسورة النازعات. نرجع تاني للسورة اللي بتتكلم عن الناس اللي جابت الدنيا بالضربة القاضية من الجولة الاولى عن الناس اللي اسببت بطولتها بالضربة القاضية من الجولة الاولى والانقلاب اللي حصل في حياة الناس دي - 00:10:47

قال الله عز وجل والنازعات غرقا. والنازعات غرقا الناس اللي قدرت انها تنزع الدنيا من قلبها. اللي النزع ده لما يكون فيه شجرة انت عايز تشيلها. فجيت تشيلها لقيتها مجردة قوي في الارض - 00:11:07

قلت السنة الجاية ابقى اشيلها. حبيبي السنة الجاية هتقدر اكثر. خد بالك. المعصية اللي في حياتك اللي انت مش راضي تواجهها. لما بتسوي في مواجهتك هتقدر جوة قلبك ونفسيك اكثر. خد بالك. المشكلة اللي في حياتك اللي معطاك وشاك وازماك. كونك مش راضي تواجهها - 00:11:24

ده مش معناه هروبك من مشاكلك. بيزودها. بيزود جذورها جوة قلبك ونفسيك. هروبك من ذنوبك. هروبك من عيوبك. هروبك من مشاكلك هروبك من نقط ضعفك واجه واجه صورة النازعات بتعلمك المواجهة. بتعلمك ان المعركة الاولى والنازعة غرقا. حاجة - 00:11:44

جبارة اوي في قلبك. ومش هتقدر تجري لربنا طول ما هي مجردة. كلبشات بس مش كلبشات مكبشة ايديك. كلبشات مكبشة نفسيك مكبشة ايمانك وفطرتك. كلبشات مكبشة قلبك وروحك. اسمها حب الدنيا. مجردة. شجرة مجردة. جوة قلبك - 00:12:04 اول خطوة لو عايز تجيب الشيطان بالضربة القاضية من الجولة الاولى واجه حب الدنيا في قلبك. اصل الشيطان ده عامل زي الحرامي. وتخيل ان المسجد ده قصر وانت ساكن في قصر والحرامي ده قاعد يلف ازا مسهم ايه؟ طائف من الشيطان. طائف. شفت انت بتطوف حوالين الكعبة ازاى؟ كانك - 00:12:24

زي ما القطة يتاخذ منها ولادها تقعد تطوف حوالين البيت. اللي ولادها اتخطوا فيه. عايزة تلاقي مدخل تدخل لولادها منه. انت بتطوف حوالين الكعبة يا رب سبيلنا الى الكعبة. يا رب يسر لنا الحج والعمرة. انت بتطوف حوالين الكعبة كانك بتقول لربنا ادخل

عليك منين يا رب؟ اديني بابك - 00:12:44

منه انا مشتاق. مشتاق بس محتار. ادخل عليك منين؟ ارضيك بانهي السبيل؟ هو ده معنى من معاني الطواف بقى بيعمل كده مع قلبك. اذا مسهم طائف من الشيطان. الشيطان قاعد يلف حواليك. قاعد يدرسك. قاعد يشوف يأيد - 00:13:04

شباك سبتم وارد جوة نفسيتك. اي باب سبته موارد جوة قلبك وايمانك يدخل عليك زي الحرام اللي قاعد يطوف حوالين القصر يدور على شباك مسقط اتساب موارد يدخل يقتل اللي جوة ويسرقهم منه. الشيطان قاعد يلف حواليك. الشيطان انت - 00:13:24

عمره ومش هيسيب شقا عمره يضيع. عشان كده اكثر شهر في السنة الشيطان بيبقى مجنون فيه. شهر شعبان. اشمعنى؟ لان شهر شعبان هو نهاية انا هو شهر رفع اعمال السنة اللي فاتت كلها الى الله. رمضان السنة اللي فاتت هيترفع لربنا في شعبان ده. لان رمضان هو بداية - 00:13:44

السنة التكليفية. فمن اول رمضان لحد شعبان بيرفعوا الى الله في شعبان. فتخيل بقى ان انت ربنا عرفك ان قدامك مهلة ثلاثين يوم تصلح فيها صحيفتك. ان رفع الاعمال اللي بيحصل غالبا في نهاية شعبان رفع اعمال السنة هيحصل في نهاية شعبان. طب احنا في بداية شعبان - 00:14:04

كأن ربنا بيقول لك خد بالك. التقرير السري اللي هيترفع عنك في المستشفى اللي انت شغال فيها. او في الهيئة الحكومية لسة عليه ثلاث اسابيع. ويطرف معناه صلح قدامك فرصة السوابق بتاعتك تتحول لشهادات تقدير قدامك فرصة اولئك بيدل الله سيئاتهم حسنات - 00:14:24

حسنات قدامك فرصة ان الله يغفر الذنوب جميعا. قدامك فرصة لو كان لو بلغت ذنوبك عنان السماء ثم استغفرتني غفرت لك على ما كان منك ولا ابالي. قدامك فرصة من احب ان تسره صحيفته فليكثر فيها من - 00:14:44

استغفار قدامك فرصة طوبى لمن وجد في صحيفته استغفارا كثيرا. قدامك فرصة والله يريد ان يتوب عليكم. قدامك فرصة. قدامك فرصة انك تصلح الصحيفة. وتشيل السيئات منها. وتماها بالاعمال الصالحة. قدامك فرصة تتصل بارحام - 00:15:04

وتفتح المصحف وتتصدق وتصوم ومن اول الليلة تبدأ قيام ليل. ومن اول بكرة تبدأ صيام. قدامك فرصة تصلي وتستغفر كثير وتجدد التوبة. قدامك فرصة. عشان كده الشيطان في شعبان بيبقى زي المجنون. زي المجنون ليه - 00:15:24

ايه اللي مجننه؟ اللي مجننه ان قدامك فرصة. شقيان معك. الجدع شقيان معك بقى له حذاشر شهر. عشان الصحيفة تسود وعشان الفجر نص الايام يروح منك. وعشان تكبيرات الاحرام ثلاث مرات. ثلاث تربع صلاة الجماعة تروح منك. وانت جاي - 00:15:42

في شعبان يا حبيبي تصلح كل حاجة. فشعبان هو افضل نهاية للسنة. ورمضان هو افضل بداية للسنة فلو صحت نهاية العام باستسار شعبان على الوجه الاكمل. وصحت بداية العام باستسار - 00:16:02

رمضان على الوجه الاكمل فما بينهما مجبور باذن الله. وما بينهما سليم باذن الله. انهيهما صح وابتديها صح خل شعبان بيبقى احسن شعبان. بيبقى احسن شهر تنهي به السنة. وخلي رمضان بيبقى احسن شهر تبتدي به السنة - 00:16:22

احسبها صح. احسبها صح لانك في ايام التصحيح. الشيطان كل يوم بيعدي في شعبان حاطط ايده على قلبه. لسة ما فاقش. لسه ما رحش للصيام والقيام فاهم الحمد لله خليك نايم يا مولانا عليك شهر طويل فارقد. عليك شهر طويل فارقد لسه يا عم يا عم تصام ايه - 00:16:42

اسلام ايه اللي تبدأ في شعبان ورمضان جاي يا مولانا بقى وبلاش تقعد بقى تعقد نفسك وتجهد نفسك من شعبان الشيطان مرعوب احسن تفوق الشيطان مرعوب احسن تتحول لصوام قوام في شعبان. الشيطان مرعوب احسن تلحق تصلح الصحيفة بتاعتك. شقى عمره معك طول الحذاشر شهر اللي فاتوا. يضيعوا لانك - 00:17:02

لحقت تصحح الشيطان ما ببتربعش قد من النهايات والبدائيات. في البداية ربنا شله لك. في رمضان ربنا سلسل مردة الشياطين. عشان تقدر تبدأ بداية صح انما بعد رمضان قدامك حذاشر شهر مجاهدة. فربنا ما سلسلكش الشيطان في شعبان كمان. الشيطان الوقتي مش بس عايز يوقعك في مصر - 00:17:22

عشان تنجو عشان يضيع رمضان. ده عايز يخليك غافل عشان ما تتداركشي اللي فات. قصة قصة اوي والنازعات غرقا. الناس دي دخلت على الدين دخلت فاهمة. عارف لما مسلا الواحد ايام ما كان بيتفرج على الكورة وهو طفل - [00:17:42](#) يدخل مسلا آآ واحد زي الخطيب كده مرة لسة الماتش بادئ. ومصر بتلعب مع فريق اسمه كوتو كوكو. الواحد كان طفل كده في ابتدائي ولا ما دخلش فاكرو نزل الخطيب قام جايب الجون في سانية ده بيعمل ايه ؟ ده من البداية جايب جون تعرف تعمل كده ؟ والنازعات غارقة. تعرف من اولها - [00:18:02](#)

هتجيب ضربة قاضية تعرف من اولها تجيب الشيطان من الجولة الاولى بالضربة القاضية. ازاي ؟ هو الشيطان بيدخل لك ازاي ؟ بيدخل لك من حب الدنيا. بيدخلك من حب النساء - [00:18:22](#) بيدخل لك من حب الشهوة. بيدخل لك من حب المركز والاحترام والاعتبار. بيدخل لك من انا اللي جواك. اكتشف بقى نقطة ضعفك. اكتشف الشيطان بيدخل لك من هو درسك. انت مش دارس نفسك ازاي ؟ اذا كان هو يقول لربنا لاقعدن لهم. انا اعد له يا رب. انا قاعد لهم واحد - [00:18:32](#)

واحد هدرسه قبل ما اضربه هدرسه هشوف ده بتاع ستات ولا ده بتاع فلوس ولا بتاع مركز ولا بتاع ايه ده مشكلته ايه ده نقطة ضعفه ايه اقعدي لهم. انا قاعد اراقب وارصد. ثم لاتينهم وبعد كده هبدأ الهجوم الكاسح عليهم. هبدأ المغريات بتاعتهم - [00:18:52](#) اصل الشيطان ما يعرفش يشتغل من غير شجرة. الشجرة بتاعة ادم دي مش حالة عارضة الشيطان اول حاجة ما هو الشجر زي كل الشجر هو ايه الفرق بين الشجرة اللي كل منها ادم وباقي شجر الجنة ولا اي فرق. امال ايه هو الشيطان سكته كده دايم - [00:19:12](#) سكته ما يعرفش يشتغل من غير شجرة. الشجرة دي بالنسبة لادم كان الشجرة فاكهة. والشيطان قال له شجرة الخلد. الشجرة دي بالنسبة لك ممكن تبقى واحدة. الشجرة دي بالنسبة لك ممكن تبقى وظيفة حرام. الشجرة دي بالنسبة لك وبرضه نفس القصة شجرة الخلد. وملك لا يبلى هي في النهاية شجرة. البنت - [00:19:30](#)

اللي واقف معها الشاب اللي على ناصية الشارع ما فيش اي فرق بينها وبين اي بنت. بس الشيطان محسسه ان هي دي الحاجة الحرام ولا المتعة الحرام اللي انت بتجري وراها على السوشيال ميديا ما فيش فيها اي فرق عن اي حاجة حرام. بس هو الشيطان خطته كده هي دي لو دي راحت عليك كل حاجة - [00:19:50](#)

حاجة راحت عليك. فالشيطان درسك ادرس نفسك. ادرس نفسك. شف نقطة ضعفك ايه. وربنا موفر لك الطريق. ربنا يقول لك نقطة ضعفك حب الدنيا. عموما طب اول خطوة وانا متدين يا رب ايه ؟ الخطوة اللي نسبة نجاحك فيها بيتوقف عليها نسبة نجاحك في الدين كله بعد كده - [00:20:10](#)

النازعات غرقا. انك تقدر تنزع الدنيا المجردة في قلبك. وتغرق في النزع بحيس انك ما تسبش جذور خفية وتسبب فقر شهوات خفية وتسبب روااسب جاهلية جوة قلبك ترجع تثبت ثاني تجيبها ضربة قاضية وتجيبها لمس كتاب - [00:20:30](#) ما لهاش قومة ثاني. اللي هيعمل كده. اللي هيواجه الدنيا في الاول. ومواجهة الدنيا مش سهلة. ده عايزة ارادة وعزيمة عزيمة. فربنا يقول والنازعات غرقا انا عندي ارادة. الارادة انا عايز. يعني انا عايز الدنيا دي اخلص منها. يا رب انا عارف ان الدنيا اللي انا مكتون بها. والفلوس اللي بحبها. ومستوى الدخل اللي نفسي يزيد - [00:20:50](#)

والنساء اللي عندي شهوة لهم والمناظر الحلوة والعرييات الحلوة والموبايلات المتطورة والايفونات انا عارف يا رب ان كل ده كل ده سراب في سراب. كسراب بقية. حتى كلمة سراب آآ انت عارف لما يقول لك عمري بيتسرب - [00:21:10](#)

عمري بيتسرب حاجة قاعدة تسرب لك عمرك وانت بتجري وراها وفي الاخر لم يجدوا شيئا. وفي الاخر هي انا عارف يا رب اسمع عارف يا رب بس مش قادر. يبقى دي البداية. دي البداية. دي لو انتصرت عليها سيحدث الانقلاب. والناشط - [00:21:30](#) تعطي ناشطة. ناشطات مين ؟ فلان! فلان بعد ما دخل ساعات غارقة. فلان بعد ما بدأ الدين صح. فلان بعد ما وقف ودرس نفسه وفهم عيوبه وبدأ يقفل نقط الضعف بتاعته. فلان بعد ما جاهد نفسه في حب الدنيا عشان يفهم حقارتها. ويفهم وضعها. فلان بعد -

[00:21:50](#)

ما عمل لقلبه غسيل زي الغسيل الكلوي والغسيل الرئوي وغسيل الكبد. فلان بعد ما عمل لقلبه غسيل. طهره بالقرآن وبالصيام القيام بالعبادة قابلت فلان بعد ست شهور من التزامه. فوجئت به والناشطات نشطة. فوجئت به ناشط اسلامي. فوجئت به في قمة النشاط - 00:22:10

بيجري بنشاط في الاعمال الخيرية. بيجري النشاط في كفالة الاسر الفقيرة. بيجري في نشاط في الدعوة الى الله. والامر بالمعروف ونهي عن المنكر نشاط في طلب العلم بيجري بنشاط في حفز القرآن. بيجري بنشاط في الاستعداد لرمضان. بيجري بنشاط في صلة الرحم. ايه يا ابني! ده انت كنت - 00:22:30
سنين ده انت كنت الفرد اللي في الشلة بنتخفق منك. لما نروح نتفصح انت اللي كنت معطلنا في كل ناحية. انت كانك مش انت. انت ايه اللي حصل لك؟ الانقلاب اللي حصل في حياتك ده ايه؟ استنى هو ده الانقلاب الوحيد انه بقى انسان نشيط. بقى انسان يقظ بقى انسان مجتهد - 00:22:50

والسابحات سبحا. ما هو ممكن واحد نشيط. ولكن ساعة ما ييجي مشكلة او عارض يوم واقع. فيه ناس كده كتير جدا اه ازا مس الانسان الضر دعانا لجنبه. الله! هو كان واقف ايه اللي خلاه نايم في الارض؟ اول ما الابتلاء بيلمس الانسان الانسان بيقوم واقع. هو الانسان كده - 00:23:10

ازا مسه الشر فيؤوس قنوت. يؤوس ما خلاص انا المرض اللي جالي واللي دخلني العناية المركزة ده مش هيروح تاني. انا عارف ان المرض مش هنروح تاني. قنوت اليأس بقى لما يزهر على الوش. منزر الدبدسة ومنزر الوش المقفول. ومنزر مش طابق يكلم حد في الاوضة معه. ومنزر - 00:23:28

مش طابق يرد على حد تاكل لأ تشرب لأ ايه يا ابني القنوت اللي انت فيه ده يا ابني الف مرة ربنا كشفها عنك وفرجها عليك ده البني ادم. ده البني ادم في الاصل. انما بعد والنازعات غرقا بقى بني ادم تاني. والسابحات سبحا. السباحة هي الانطلاق بلا عائق - 00:23:48

زي اللي بيسبح في الماية ما فيش حاجة موقفاه زي الكواكب السابحة كل في فلك يسبحون. ما فيش حاجة معرقلاها. يبقى ده مش بس بقى نشيط. النشيطات الناشطة ده بقى لا توقفه العوارض والمعوقات. ايام الامتحانات برضو بيشتغل في الدين - 00:24:08
ايام الابتلاءات وعنده ابتلاء نفسي وعنده ظروف اجتماعية وعنده مشاكل مالية وبرضه مجتهد في الطاعة. وبرضه تكبيرة الاحرام ما بتفوتش عليه ايه يا عم اللي حصل لك؟ استنى يا مولانا. وفي السابقات سابقا. ده كمان ما عادش واحد حلو ونشيط ولون كده. ده بقى - 00:24:28

حاجة غير حتى المتدينين سبقهم. سبق المفردون بقى متفرد لانه افرد الله بالقصد. افرض الله بالذكر افرد الله بشكر النعمة. افرد الله بالوجهة. افرد الله باستخلاص العزيمة من اجل ارضائه. افرح - 00:24:48
الله بالقصد فسار من السابقين سبق المفردون. انسان متفرد انسان مميز. زي سيدنا داوود كده لما ربنا عرض على سيدنا ادم زريته مليارات. فلفت نظر ادم من وسط المليارات رجل - 00:25:08

وبص النور بين عينيه لفت نظر ادم. انت متخيل من وسط المليارات سيدنا ادم بيقول من هذا يا رب؟ مين اللي الذرية بتاعه منور بالمنزر ده. النور بتاع داوود لفت نظر ادم من كل الناس دي هي دي. هي دي. عشان كده احنا دلوقتي في شعبان - 00:25:28
احنا في مسابقة صحائف. يعني ايه مسابقة صحائف؟ يعني يا مولانا انت مش صحيفتك بس اللي بتترفع على ربنا. ده انت هيترفع مليار ونص مليار لمليار ونص مليار مسلم على وجه الارض. صحيفتك هتروح فين؟ ربنا ممكن يعجب من صحيفتك؟ ربنا ممكن صحيفتك دي تتميز عن باقي الصحابة - 00:25:48

طالب في في الازهر في المنصورة عندنا طالب في الازهر فالطالب ده متطور علميا قوي في في جامعة الازهر يعني في سنة اولي متطور اوي الدكتور في الجامعة كبير بيصحح الورق فلفت نزره الاجابة المميزة للطالب ده. الطالب ده متفوق الدفعة - 00:26:08
الف الفين الدكتور بهر باجابة الطالب قعد سنة يدور عليه. سنة لحد ما عرف هو مين. انت ممكن صحيفتك يعجب الله عن باقي

الصحائف. انت ممكن صحيفتك تنور عن باقي الصحائف. انت ممكن وببص النور المتفجر من الاعمال الصالحة - 00:26:28

يسعى نورهم بين ايديهم وبايمانهم اعمالهم. انت ممكن وببص النور المتفجر من الاعمال الصالحة اللي في صحيفتك يعجب لها الله دون عن باقي الصحائف. شعبان ده مسابقة صحائف. انت ما بتتسابقشي مع آآ الصحف اللي قاعدين في المسجد الوقتي. انت بتتسابق مع صحائف الكرة الارضية - 00:26:48

عبر كل الاجيال البشرية. وسع افقك. السبق سهل مش صعب. معنى ان ربنا يقول فالسباقات سابقا. معنى ان ربنا يعشمك في السبق فاحنا ان ربنا يعشمك انك تنفع تتجوز بنت السلطان ان بنت السلطان دي مش حاجة نادرة انها تحصل. ان كل اللي عايز يوصل هيوصل. والذين - 00:27:08

فيما لنهدينهم سبلنا. المشكلة فيك. المشكلة ما فيش مشكلة عند ربنا. آآ المشكلة مش لأ. الدين ربنا واسع والمقامات العليا واسعة والفردوس الاعلى كبيرة اوي اوي اوي يا مولانا. اما تشوف الحجم الفردوس الاعلى يوم القيامة هتندم - 00:27:28
يا كل ده كان ينفع يدخل الفردوس الاعلى؟ تنش على اصحاب اليمين ليه؟ تنش على اللي تحت ليه؟ ده اللي راكب مية تمانية وعشرين عينه هتطلع على اللي راكب - 00:27:48

واللي راكب لانسر عينه هتطلع على اللي راكب بي ام. واللي راكب بي ام عينه هتطلع على اللي راكب آآ سي مية وتمانين ولا بنت قمر ولا هو انت يوم القيامة عينك هتطلع. عينك لما تشوف اصحاب اليمين والسابقين طب ليه ما نشنتش على اللي فوق ما اللي فوق كانت سهلة. ده دي دخلت آآ - 00:27:58

الفردوس الاعلى بسبب آآ قعودها على عيال لها. انها ربت عيالها تربية حلوة. وده دخل فردوس اعلى بسبب ان هو آآ يعني كان راجل متصدق في الست انه ده دخل فردوس اعلى لانه كان بيقول اللهم اني اسألك الفردوس الاعلى. يا ندمي. مش عايزين نندم على اغلى حاجات في حياتنا. على اغلى حاجات - 00:28:18

معنى وجودنا. هو انت لو مش منش على الفردوس الاعلى؟ هو انت لو ما عندكش علو همة في الدين او مال انت عايش ليه؟ عايش عشان تطحن طول الشهر وتأخذ لك في الاخر خمس ست الاف جنيه. واهي ماشية لحد ما فجأة ملك الموت ينزل! يا راجل! هو انت ماشي فعلا كده! هو انت مش بتفكر - 00:28:41

يا اخوانا احنا في مسابقة والمسابقة هتنتهي في لحظة فالسباقات سبقا ويجي المنزر النهائي بقى فالمدبرات امرا ان ربنا يستعملك بقى في تدبير امور الدعوة. ان يأتي الاستعمال. ان ياتي الاستعمال من عند الله. انك تبقى شغال للدين. كانت البداية بداية الهداية والنازعات - 00:29:01

بداية الهداية شاب آآ نفسه يوصل لربنا قوي ولكن بدأ صح. بداية الهداية بتاعته كانت صح. فبدأ يقول انا لازم اواجه حب الدنيا اللي جوايا لان الشيطان ما بيتحكمش في غير بمحوباتي انا. الشيطان ما بيدخلش لقلبي غير من الشبابيك المواردة اللي انا ناسيها. اللي هي شبابيك - 00:29:21

المخلعة جوة قلبي ونفسي. الشيطان يقول لك آآ كل واحد طماع ربنا بيقيد له واحد نصاب. كل واحد طمع يقول لك اصلا كل النصابين ما بيدوروش غير على الطماعين. ما هو النصاب ده لما يروح لواحد قناة هيقول له ايه؟ آآ هات لي بس العشرين الف - 00:29:41

اللي معك وانا اشغلهم لك واول شهر هيجيبوا مية وخمسين الف جنيه وتاني شهر هيجيبوا متين الف جنيه وتالت شهر يا مولانا هتبقى راكب البي ام. ما هو اللي سامع - 00:30:01

مجنون يجي لك بعد ما يتنصب عليه فلوس وتروح ضحك علي وعشمني. يا ابني هو مش ضحك عليك! هو استغل الطمع! هو عماك بطمعك! هو الشيطان بيعمل كده الشيطان بيستغل حبك للدنيا فيبدأ يسخنك على الحرام ويسول لك ان ما فيش طريقة انك توصل لمحوباتك غير الحرم - 00:30:11

الحرام هو الحل. عمر الحلال ما هيحلها لك. عمر الشقى ما هيجيبها لك. عايز الدنيا ما فيش غير الحرام. خلاص انت حر. انت عملت

نفسك لعبة في ايديك الشاب بدأ صح. الشاب بدأ يواجه حب الدنيا اللي في قلبه. بدأ يضرب حب الدنيا اللي في قلبه بالصلاة.

بالصيام. بتكبيره الاحرام - [00:30:31](#)

بحفز القرآن بطلب العلم بحضور الدروس بسماع المقاطع الايمانية على السوشيال ميديا بدأ يتعالج. البداية كانت بداية مجاهدة وعمره ما كان يتخيل ان النقلة الثانية هيبقى انسان نشيط. في قمة النشاط والناشطات الناشطة. النقلة الثالثة والسابعات سبحة.

هيبقى منطلق - [00:30:51](#)

الله ما عدش فيه حاجة توقفه. النقلة الرابعة فالسابقات سابقا هيبقى مميز. هيبقى متدين مميز عن كل المتدينين التانيين. النقلة الخامسة فالمدبرات امرا هيجي له اوردر التكليف من فوق. هيجي له مش وزارة الاستسمار هتبعث له جواب على بيته تقول له تم

اختيارك - [00:31:11](#)

نتيجة كفاءتك في والسي في بتاعك انك تشتغل معنا ولا هيجي له من رئاسة الوزراء جواب تعيين تم اختيارك معنا لكفائك ولا هيجي له من القصر الجمهوري ولا الديوان الملكي. جواب تعيين عشان كفاته. ده انت هيجي لك جواب تعيين من رب العرش العظيم -

[00:31:31](#)

هتستعمل على ثغر من ثغور الدين. هو ربنا بيستعمل اي حدا ربنا بيستعمل اللي يستاهله. ربنا سبحانه وتعالى بيستعمل الناس اللي تستاهل اللي جواها خير. طريق ربنا طريق جميل. طريق ربنا طريق جميل للي هياخده بحقه. طريق ربنا طريق عظيم للي هيمشي

في طريق - [00:31:51](#)

وهو مش عايز غير ربنا وهو بيغظ السير الى الله سبحانه وتعالى. طريق ربنا مليون عطاءات. مليون اكرام. انت مش شغال مع رئيس جمهورية ايده واسعة في في المكافآت للناس اللي شغالة معه. انت مش شغال مع ملك ما بيكتبش شيك لحد اقل من مليون جنيه.

انت شغال - [00:32:11](#)

مع الله انا اعطيناك الكوثر. ليه؟ الكوثر كما يقول ابن عباس الخير الكثير. اللي نهر الكوثر واحد حاجة من عطاياه ونفعته. ليه؟ ده دي صورة من صور المرحلة الجهرية. يعني كل اللي النبي كان عمله في الوقت ده سباته في المرحلة الجهرية على الدعوة الى الله -

[00:32:31](#)

امال مكافأة نهاية الخدمة ايه؟ اذا كان دي علاوة كده بس نتيجة اداء حلو مسالي في فترة من فترات الطريق الى الله. امال مكافأة نهاية في الطريق الى الله تبقى ايه؟ ربنا كريم. عمرك ما هتتعامل مع حد اكرم منه. عمرك ما هتتعامل مع حد يقدر يكفي لك كل

احتياجاتك. ويقدر يا عم - [00:32:51](#)

رح اشتغل مع اتخن ملك في مملكة موجودة على وجه الارض. لو كرمك قوي هديك خمسين الف جنيه في الشهر. هيديك ميت الف جنيه في الشهر. انما في احتياجات في - [00:33:11](#)

ما فيش حد هيقدر يقف معك فيها. ولا حد هيسندك فيها. ده اللعيب بتاع الاهلي ولا بتاع مين؟ اللي ربنا يعافيه ويعافينا يا جماعة يا رب. اللي مرض ضمور العضلات. اه قرأت للمدرب بتاعه او رئيس الجهاز الفني بتاعه مش فاكر بالظبط يعني المعلومات دي

الواحد ما بيركزش فيها قوي يعني. ها ربنا يشفي كل مريض - [00:33:21](#)

مسلم بيقول لك لو قدم طلب للنادي آآ ما هو ما انت داخل بقى في حقن بنص مليون وداخل في قصص. اه خلاص اصلا اللي بيجي له المرض ده غالبا ما هوش راجع - [00:33:41](#)

الملعب قال لك لو قدم طلب للنادي ممكن النادي يشيل العلاج بتاعه. يا راجل! ما حدش هيشيلك غير ربنا. حدش هيقف معك في كل حاجة في كل حاجة حاجة في كل مشكلة في كل ازمة في كل زنقة ما فيش غيره. عشان كده سمى نفسه قال كافي. يعني لو هو بس

معك كفاية - [00:33:51](#)

ما عدتش محتاج حد تاني. الكافي ما حدش هيكفيك غيره. ما حدش هيرفعك غيره. كل الناس بتتعامل معك عشان تكسب منك. الوحيد اللي بيعاملك عشان يكسبك هو الله سبحانه وتعالى اختاره. اوعى ربنا يختارك وانت ما تختاروش. اختاره. اختار طريقه.

اختار انك تخلص له. اختار انه يبقى هو وجهة عمرك. اختار انك تتفنن - 00:34:11

في عبادته ما احياك. اختار انك انت يبقى عندك علو همة في طريقه وابشر بخير عمر وابشر ببركات مساحات وعطاءات ولطف من الله سبحانه وتعالى اقول قولي هذا واستغفر الله لي ولكم - 00:34:31

الحمد لله وكفى صلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله. اللهم صل على عبدك ونبيك محمد صلى الله عليه وسلم في الاولين والآخرين وفي كل وقت وحين. اللهم بارك لنا في شعبان. اللهم

بارك لنا في شعبان. اللهم بلغنا رمضان - 00:34:49

اللهم بارك لنا في رمضان. اللهم بارك لنا في العشر الاواخر من رمضان. اللهم اجعلنا في رمضان - 00:35:39